

POZIVANJE NA STANDARDE U PROPISIMA

Kod pozivanja na standarde u propisima, tehnički zahtjevi se ne uključuju u tehničke propise, nego se daju pozivanjem na standard koji utvrđuje te zahtjeve. Na ovaj način:

- Pojednostavljuje se i ubrzava zakonodavni proces,
- Tehnički napredak ne zahtijeva izmjenu propisa, već se mijenja samo standard,
- Olakšava se uklanjanje brijera u trgovini,
- Obezbeđuje se primjena tehničkih propisa,
- Upućivanjem na iste, zajednički dogovorene međunarodne standarde uklanjaju se razlike među nacionalnim tehničkim propisima različitih zemalja.

Standard sa obaveznom primjenom je standard čija je primjena obavezna na osnovu zakona ili isključivim pozivanjem u propisu. (Tačka 11.4 standarda MEST EN 45020)

Pozivanje na standarde (u propisima) podrazumijeva pozivanje na jedan ili više **standarda** umjesto detaljnog navođenja **odredaba u propisu**.

NAPOMENA 1 Pozivanje na standarde može biti datirano, nedatirano ili uopšteno, i u isto vrijeme isključivo ili indikativno.

NAPOMENA 2 Pozivanje na standarde može biti povezano sa opštijim zakonskim odredbama koje se odnose na **stanje razvijenosti tehnike** ili **priznato tehničko pravilo**. Takve odredbe mogu da stoje i posebno.

Postoji:

- § **datirano pozivanje (na standarde) - pozivanje na standarde** kojim se identifikuje jedan ili više posebnih **standarda** na takav način da se sljedeće **revizije** tog ili svih ostalih standarda ne mogu primijeniti dok se **propis** ne izmijeni. Standard se obično identifikuje svojim brojem i datumom izdavanja ili izdanjem. Takođe, može biti dat i naslov.
- § **nedatirano pozivanje (na standarde) - pozivanje na standarde** kojim se identifikuje jedan ili više posebnih **standarda** na takav način da se sljedeće **revizije** tog ili svih ostalih standarda mogu primijeniti bez potrebe da se izmijeni **propis**. Standard se obično identifikuje samo svojim brojem. Takođe, može biti dat i naslov.
- § **uopšteno pozivanje (na standarde) - pozivanje na standarde** kojim se podrazumijevaju svi **standardi** određenog **tijela** i/ili iz određene oblasti bez njihove pojedinačne identifikacije. (MEST EN 45020:2010)

Strogost pozivanja

isključivo pozivanje (na standarde)

pozivanje na standarde kojim se podrazumijeva da je jedini način ispunjavanja odgovarajućih **zahtjeva tehničkog propisa** njegovo usklađivanje sa **standardom (standardima)**, na koji (koje) se vrši pozivanje (MEST EN 45020:2010, tačka 11.3.1)

indikativno pozivanje (na standarde)

pozivanje na standarde kojim se podrazumijeva da je jedan od načina ispunjavanja odgovarajućih **zahtjeva tehničkog propisa** njegovo usklađivanje sa **standardom (standardima)**, na koji (koje) se vrši pozivanje.

NAPOMENA Indikativno pozivanje na standarde je oblik **odredbe za način zadovoljenja zahtjeva**. (MEST EN 45020:2010, tačka 11.3.2)